



Kada čovjek spomene Uzvišenog Allaha prilikom ulaska u kuću i prilikom jela, šejtan svojim drugovima kaže: 'Nema vam noćas konaka i večere'

Od Džabira ibn Abdullaha, radijallahu anhumu, se prenosi da je Allahov Poslanik, sallallahu alejhi ve sellem, rekao: "Kada čovjek spomene Uzvišenog Allaha prilikom ulaska u kuću i prilikom jela, šejtan svojim drugovima kaže: 'Nema vam noćas konaka i večere.', a ako uđe ne spominjući Allaha Uzvišenog pri ulasku, šejtan kaže: 'Pronašli ste konačište.' Kada pri jelu ne spomene Allahovo ime, šejtan kaže: 'Pronašli ste konačište i večeru.'"

[صحيح] [رواه مسلم]

Allahov Poslanik, sallallahu alejhi ve sellem, nam naređuje da spomenemo ime Uzvišenog prilikom ulaska u kuću i prije objedovanja. Ako proučimo bismillu u tim prilikama, šejtan će reći svojim pomoćnicima: "Vi nemate udjela u noćenju i objedovanju u ovoj kući čiji je vlasnik spomenuo Allaha." Ako pak čovjek ne spomene Allaha prilikom ulaska u kuću i prije jela, šejtan će svoje drugove obavijestiti da mogu prenoćiti i objedovati u toj kući.

<https://www.sunnah.global/hadeeth/bs/show/3037>

